

БОЖЕСТВЕННАЯ ЛИТУРГИЯ СЯТИТЕЛЯ ВАСИЛИЯ ВЕЛИКОГО

МАЛЫЙ ВХОД (С ЕВАНГЕЛИЕМ):

Диакон: Премудрость, прости.

Хор: Приидите, поклонимся и припадём ко Христу. Спаси ны, Сыне Божий, Воскресый из мёртвых, поюция Ти: аллилуиа.

ТРОПАРИ И КОНДАКИ ПО ВХОДЕ:

ТРОПАРЬ ВОСКРЕСНЫЙ, ГЛАС 5:

Собезначальное Слово Отцу и Духови,/ от Девы рождающееся на Спасение наше,/ воспойм, вернии, и поклонимся;/ яко благоволи Плотию взыти на Крест,/ и смерть претерпети,/ и воскресити умершия// славным воскресением Своим.

ТРОПАРЬ НЕДЕЛИ 1-й ВЕЛИКОГО ПОСТА, ГЛАС 2:

Пречистому образу Твоему поклоняемся, Благий,/ просяще прощения прегрешений наших, Христе Боже,/ волею бо благоволил еси плотию взыти на Крест,/ да избавиши, яже создал еси, от работы вражия./ Тем благодарственно вопием Ти:/ радости исполнил еси вся, Спасе наш,// пришедый спасти мир.

Слава Отцу и Сыну и Святому Духу и ныне и присно и во веки веков. Аминь.

КОНДАК НЕДЕЛИ 1-й ВЕЛИКОГО ПОСТА, САМОГЛАСЕН, ГЛАС 2:

Неописанное Слово Отчее,/ из Тебе, Богородице, описая воплощаемь,/ и осквернившийся образ в древнее вообразив,/ Божественною добротой смеси,/ но исповедующе спасение,// делом и словом, сие воображаем.

Диакон: Господу помолимся.

Хор: Господи, помилуй.

Иерей: Яко Свят еси, Боже наш и Тебе славу возсылаем, Отцу и Сыну и Святому Духу, ныне и присно.

Диакон: Господи, спаси благочестивыя.

Хор: Господи, спаси благочестивыя.

Диакон: И услыши ны.

Хор: И услыши ны.

Диакон: И во веки веков.

Хор: АМИНЬ.

ТРИСВЯТОЕ:

Хор: Святы́й Бо́же, Святы́й Кре́пкий, Святы́й Безсме́ртный, поми́луй нас.

(Трижды)

Сла́ва Отцу́ и Сы́ну и Свято́му Ду́ху и ны́не и прѣсно и во веки веко́в. АМИНЬ.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Диакон: Вонмем.

Иерей: Мир всем.

Чтец: И ду́хови твоemú.

Диакон: Прему́дрость.

ПРОКІМЕН НЕДЕЛИ 1-Й ВЕЛИКОГО ПОСТА, ГЛАС 4, ПЕСНЬ ОТЦЕВ:

Чтец: Прокімен, глас четвёртый, песнь отцев: Благословен еси́ Го́споди Бо́же отецъ нашихъ,/ и хва́льно и просла́влено імя Твое́ во веки.

Хор: Благословен еси́ Го́споди Бо́же отецъ нашихъ,/ и хва́льно и просла́влено імя Твое́ во веки.

Чтец: Яко пра́веден еси́ о всехъ, яже сотвори́л еси́ нам.

Хор: Благословен еси́ Го́споди Бо́же отецъ нашихъ,/ и хва́льно и просла́влено імя Твое́ во веки.

Чтец: Благословен еси́ Го́споди Бо́же отецъ нашихъ,/

Хор: И хва́льно и просла́влено імя Твое́ во веки.

ЧТЕНИЕ АПОСТОЛА:

Диакон: Прему́дрость.

Чтец: Ко Евре́ем послáния свята́го Апосто́ла Па́вла чтéние.

Диакон: Вонмем.

ЧТЕНИЕ НЕДЕЛИ 1-Й ВЕЛИКОГО ПОСТА (Евр., зач.329 (от середины): гл.11, ст.24-26,32 – гл.12, ст.2):

Чтец: Бра́тие, ве́рою Моисе́й, вели́к быв, отвёржеся нарица́тися сын

дщѣре фараоновы. Пáче же извóли страдáти с людьмí Бóжиими, нѣжели имѣти врѣменную грехá слáдость. Бóльшее богáтство вменív Егíпетских сокрóвиц поношѣние Христóво, взирáше бо на мздовоздаýние. И что ещѣ глагóлю? Не достáнет бо ми повествúюще лѣта, о Гедеóне, Варáце же и Сампсóне и Иеффáи, о Давíде же и Самуýле, и о (других) прорóцех, ýже вѣрою победíша цáрствия, содѣяша правду, получíша обетовáния, заградíша устá львóв, угасíша сýлу óгненную, избегóша óстрея мечá, возмогóша от нѣмоци, бýша крѣпцы во бранѣх, обратíша в бѣгство полкí чужíх. Прияша женý от воскресѣния мѣртвыя своý; инíи же избиѣни бýша, не приѣмше избавлѣния, да лúчшее воскресѣние улúчат. Друзíи же ругáнием и рáнами искушѣние прияша, ещѣ же и уз и темнíc. Кáмением побиѣни бýша, претрѣни бýша, искушѣни бýша, убíйством мечá умрóша, проидóша в мýлотех, и в кóзиях кóжах, лишѣни, скорбýще, озлóблени. Ýхже не бе достóин весь мир, в пустынях скитáющесе, и в горáх, и в вертѣпах, и в прóпастех земнýх. И сíи вси послúшествовани бýвше вѣрою, не прияша обетовáния, Бóгу лúчшее что о нас предзрѣвшу, да не без нас совершенство приýмут. Тѣмже ýбо и мы, толíк имýще облажáщъ нас óблак свидѣтелей, гóрдость всýку отлóжше, и удóбъ обстоятельный грех, терпѣнием да течѣм на предлежащýй нам пóдвиг, взирáюще на начáльника вѣры и совершítеля Исýса.

Иерей: Мир ти.

Чтец: И дýхови твоемý.

Диакон: Премýдрость.

Аллилуáрий Недѣли 1-й Великого поста, глас 8:

Чтец: Глас осмýй: Аллилу́ия, аллилу́ия, аллилу́ия.

Хор: Аллилу́ия, аллилу́ия, аллилу́ия.

Чтец: Моисей и Аарон во иереех Его, и Самуил в призывающих имя Его.

Хор: Аллилу́ия, аллилу́ия, аллилу́ия.

Чтец: Призывáху Гóспода, и Той послúшаше их.

Хор: Аллилу́ия, аллилу́ия, аллилу́ия.

=====

ВМЕСТО «ДОСТОЙНО ЕСТЬ...»:

О Тебѣ радуется, Благодатная всякая тварь,/ Ангельский собор и
человѣческий род,/ освященный храмѣ и раю словесный,/ дѣвствен-
ная похвалѣ,/ из Неяже Бог воплотился,/ и Младенец бысть, прежде
век Сый Бог наш:/ ложесна бо Твоя престол сотвори/ и чрево Твое
пространнее Небес содела.// О Тебѣ радуется, Благодатная, всякая
тварь, слава Тебѣ.

=====

ПРИЧАСТНЫ ВОСКРЕСНЫЙ И НЕДЕЛИ 1-й ВЕЛИКОГО ПОСТА (ОТЦОВ):

Хор: Хвалите Господа с Небес,/ хвалите Его в Вышних.

Радуйтесь, праведнии, о Господе, правым подобает похвала.

Аллилу́иа, аллилу́иа, аллилу́иа.

=====

ТРЕТИЙ И ШЕСТОЙ ЧАСЫ

ТРОПАРЬ ВОСКРЕСНЫЙ, ГЛАС 5:

Собезначальное Слово Отцу и Духови,/ от Девы рождающееся на Спа-
сение наше,/ воспойм, вернии, и поклонимся;/ яко благоволи
Плотию взыти на Крест,/ и смерть претерпети,/ и воскресити
умершия// славным воскресением Своим.

Слава Отцу и Сыну и Святому Духу.

ТРОПАРЬ НЕДЕЛИ 1-й ВЕЛИКОГО ПОСТА, ГЛАС 2:

Пречистому образу Твоему поклоняемся, Благий,/ просяще прощѣ-
ния прегрешений наших, Христѣ Божѣ,/ волею бо благоволил еси
плотию взыти на Крест,/ да избавиши, яже создал еси, от работы вра-
жия./ Тем благодарственно вопием Ти:/ радости исполнил еси вся,
Спасе наш,// пришедый спасти мир.

ПОСЛѢДОВАНИЕ НЕДѢЛИ ТОРЖЕСТВА ПРАВОСЛАВІЯ

После Литургии совершается Последование Недели Православия.

По Литургии весь собор духовенства из алтаря исходит на середину храма. Иконы Спасителя и Богоматери полагают на аналое посреди церкви.

Диакон: Благослові, владыко.

Иерей: Благословѣн Бог наш всегда, ныне и присно, и во веки веков.

Хор: АМІНЬ.

Диакон: Слава Тебѣ, Боже наш, слава Тебѣ.

Хор: Царю Небесный, Утѣшителю, Дѹше истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, дѹши наша.

Чтец: Святѣй Боже, Святѣй Крепкий, Святѣй Безсмертный, помилуй нас. *(Трижды)*

Слава Отцу и Сыну и Святому Дѹху и ныне и присно и во веки веков. АМІНЬ.

Пресвятая Троице, помилуй нас; Господи, очисти грехи наша; Владыко, прости беззакония наша; Святѣй, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Дѹху и ныне и присно и во веки веков. АМІНЬ.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца и Сына и Святаго Дѹха, ныне и присно и во веки веков.

Чтец: АМІНЬ. Господи, помилуй. *(12 раз)*

Слава Отцу и Сыну и Святому Дѹху и ныне и присно и во веки веков. АМІНЬ.

Приидите, поклонимся Цареву нашему Богу.

Приидіте, поклонімся и припадём Христу́, Царéви нашему́ Бо́гу.

Приидіте, поклонімся и припадём Самому́ Христу́, Царéви и Бо́гу нашему́.

ПСАЛО́М 74:

Испове́мся Тебé, Бо́же, испове́мся Тебé, и призовём́ імя Твоё́; повём́ вся чудеса́ Тво́я. Егда́ прииму́ время́, Аз правоты́ возсуждú. Растáяся земля́ и вси живу́щии на ней, Аз утвердих́ столпы́ ея́. Рех беззакóннующим, не беззакóннуйте: и согрешáющим, не возносите́ ро́га, не воздвизáйте на высотú ро́га ва́шего, и не глаго́лите на Бо́га неправду́: яко́ ниже́ от исход́, ниже́ от за́пад, ниже́ от пусты́х гор. Яко́ Бог судия́ есть: сегó смиря́ет, и сегó возно́сит. Яко́ чáша в руцé Господни, вина́ неразворéна, испóльнь растворéния, и уклоні́ от се́я в сию́: обáче дрóжде Егó не исто́щися, испи́ют вси грéшнии земли́. Аз же возра́дуюся в век, воспóю Бо́гу Иáковлю: и вся ро́ги грéшных сломлю́, и вознесётся рог праведнаго.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. АМІ́нь.

Аллилу́иа, аллилу́иа, аллилу́иа, сла́ва Тебé Бо́же. (Трижды)

ВЕЛІ́КАЯ ЕКТЕНІ́Я:

Диакон: Мі́ром Го́споду помóлимся.

Хор: Го́споди, помі́луй. *(На каждое прошение)*

БОГ ГОСПО́ДЬ, ГЛАС 4:

Диакон: Бог Госпо́дь, и яві́ся нам, благословéн Гряды́й во І́мя Господне.

Стих 1: Испове́дайтесь Го́сподеви, яко́ благ, яко́ в век мі́лость Егó.

Хор: Бог Госпо́дь, и яві́ся нам, благословéн Гряды́й во І́мя Господне.

(И далее на каждый стих)

Стих 2: Обыше́дше обыдо́ша мя, и І́менем Господним противля́хся им.

Стих 3: Не умру́, но жив бу́ду, и повём́ дела́ Господня.

Стих 4: Ка́мень, Егóже небрего́ша зи́ждущии, Сей бысть во главú у́гла, от Го́спода бысть Сей, и есть дівен во очесéх на́ших.

ТРОПА́РЬ, ГЛАС 4:

Хор: Благодарни сущи недостойнии раби Твои, Господи,/ о Твоих великих благодеяниях, на нас бывших,/ славяще Тя, хвалим, благословим, благодарим, поем и величаем Твое благоутробие,/ и рабски любовьию вопием Ти:// Благодетелю, Спасе наш, слава Тебе.

Слава Отцу и Сыну и Святому Духу.

ТРОПАРЬ, ГЛАС 3:

Твоих благодеяний и даров туне,/ яко раби непотребнии, сподобльшися, Владыко,/ к Тебе усердно притекающе,/ благодарение по силе приносим/ и Тебе яко Благодетеля и Творца славяще, вопием:// слава Тебе, Боже Прецедрый.

И ныне и присно и во веки веков. Аминь.

БОГОРОДИЧЕН, ГЛАС 4:

Якоже вышния тверди благолепие,/ и нижнюю споказал еси красоту святаго селения славы Твоея, Господи,/ утверди сие во век века/ и прими наша в нем непрестанно приносимая Тебе моления, Богородицею,// всех Животé и Воскресение.

Диакон: Вонмем.

Иерей: Мир всем.

Чтец: И духови твоему.

Диакон: Премудрость. Вонмем

ПРОКИМЕН, ГЛАС 4:

Чтец: Прокимен, глас четвертый: Насаждени в дому Господни,/ во дворех Бога нашего процветут.

Хор: Насаждени в дому Господни,/ во дворех Бога нашего процветут.

Чтец: Веселитесь, праведнии, о Господе, правым подобает похвала.

Хор: Насаждени в дому Господни,/ во дворех Бога нашего процветут.

Чтец: Насаждени в дому Господни,/

Хор: Во дворех Бога нашего процветут.

ЧТЕНИЕ АПОСТОЛА:

Диакон: Премудрость.

Чтец: К Римляном послания святáго Апóстола Пáвла чтéние.

Диакон: Вóнмем.

Рим., зач.121 (от середины): гл.16, стт.17-20:

Чтец: Брáтие, молю вы, блюдитея от творящих распри и раздоры, кроме учения, ему́же вы научитесь, и уклонитесь от них. Таковыи бо Господеви нашему Иисусу Христу́ не работают, но своему́ чреву: иже благими словесы́ и благословением прельщают сердца незлобивых. Ваше бо послушание ко всем дости́же. Радуюся же еже о вас. Хочу́ же вас мудрым убо быти во благое, простых же в злое. Бог же мира да сокрушит сатану́ под но́ги ва́ша вскоре. Благодать Господа нашего Иисуса Христа́ с ва́ми. Ами́нь.

Иерей: Мир ти.

Чтец: И дýхови твоему́.

Диакон: Премудрость, прости, услышим святáго Евáнгелия.

Иерей: Мир всем.

Хор: И дýхови твоему́.

Иерей: От Матфея святáго Евáнгелия чтéние.

Хор: Сла́ва Тебе́, Господи, сла́ва Тебе́.

ЧТÉНИЕ ЕВÁНГЕЛИЯ:

Диакон: Вóнмем.

Мф., зач.75: гл.18, стт.10-18

Иерей: Рече́ Господь: блюдите, да не презрите единаго (от) малых сих: глаголю бо вам, яко Ангели их на Небесехъ вину видят Лице́ Отца́ Моего́ Небеснаго. Прииде бо Сын Человеческийъ разыскати и, спасти погубшаго. Что вам мнится? Аще́ будет некоему человеку сто овец, и заблудит едина от них: не оставит ли девятьдесят и девять в горахъ, и шед ищет заблудшья? И аще́ будет обрести ю, ами́нь глаголю вам, яко радуется о ней паче, неже о девяностидесятих и девяти незаблудших. Тако несть воля пред Отцемъ вашимъ Небеснымъ, да погубнет един от малых сих. Аще́ же согрешит к тебе брат твой, иди и обличи его́ между тобою и тем единым. Аще́ тебе послушает, приобрел еси брата твоего. Аще́ ли тебе не послушает, пойми с собою паки единаго или два, да при устехъ двою или триехъ свидетелей станет всяк глагол. Аще́ же не послушает их, повеждь Церкви; аще́ же и Церковь преслушает, буди тебе якоже язычник и мытарь. Ами́нь бо глаголю вам: елика аще́ свяжете на земли, будут связаны на Небесехъ, и елика аще́ разрешите на земли, будут разрешены на Небесехъ.

Хор: Сла́ва Тебе́, Господи, сла́ва Тебе́.

ЕКТЕНИЯ СУГУБАЯ:

Диакон: Помилуй нас, Бóже, по велицей милости Твоей, молим Ти ся, услыши и помилуй.

Хор: Гóсподи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе Кирилле, и о Господине нашем Высокопреосвященнейшем митрополите **(или:** архиепископе, **или:** Преосвященнейшем епископе) **имярек**, и всей во Христе братии нашей.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

Еще молимся о блаженных и приснопамятных создателях святого храма сего, и о всех преждепочивших отцех и братьях, zde лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Не хотяй смерти грешных, но ожидай обращения и покаяния, соедини всех во Святей Твоей Церкви, молим Ти ся, Милосердый Господи, услыши и помилуй.

Устроивый мир сей в славу Твою, сотвори, яко да истинною верою и благочестием Тебе, Бога нашего, прославят, молим Ти ся, Всесильный Творче, услыши и помилуй.

Давый заповедь Твою нам, еже любить Тебе, Бога нашего, и ближняго своего, сотвори, да ненависти, вражды, обиды и прочие беззакония прекратятся, истинная же любовь да царствует в сердцах наших, молим Ти ся, Спасителю наш, услыши и милостивно помилуй.

Еще молимся о плодоносящих и добродееющих во святеем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Услыши ны, Бóже, Спасителю наш, упование всех концев земли и сущих в мори далече, и милостив, милостив буди, Владыко, о гресех наших, и помилуй ны. Милостив бо и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: АМИНЬ.

Диакон: Господу помолимся.

Хор: Гóсподи, помилуй.

Иерей: Всевышний Бóже, Владыко и Содетелю всей твари, наполняяй вся величеством Твоим и содержиай силою Твоею! Тебе, Вседаровитому Господу нашему, мы, недостойнии, благодарение приносим, яко не отвращаеши нас беззаконий ради наших, но паче предваряеши ны щедротами Твоими. Ты ко избавлению нашему послал еси Единороднаго Твоего Сына, и благовестил безмерное Твое к роду человеческому низхождение, яко хотением хощеши и ожидаеши, еже обратитися нам к Тебе и спасеным быти. Ты, низходя к немощи нашего естества, укрепляеши нас

всесильною Святаго Твоего Духа благодатию, утешаеши спасительною верою и совершенною надеждою вечных благ и, руководствуя избранных Твоих в горний Сион, соблюдаеши, яко зеницу ока. Исповедуем, Господи, великое Твое и безприкладное человеколюбие и милосердие. Но видяще многих поползновения, прилежно Тя, Всеблагий Господи, молим: призри на Церковь Твою и виждь, яко Твое спасительное благовестие, аще и радостно прияхом, но терние суеты и страстей творит оное в неких малоплодно, в неких же и бесплодно, и по умножению беззаконий овии ересми, овии расколом противящися евангельской Твоей истине, отступают от достояния Твоего, отрывают Твою благодать и повергают себе суду Твоего Пресвятаго Слова. Премилосердый и Всесильный, не до конца гневаяйся, Господи! Будь милостив, молит Тя Твоя Церковь, представляючи Тебе Начальника и Совершителя спасения нашего, Иисуса Христа, будь милостив нам, укрепи нас в правоверии силою Твоею, заблуждающим же просвети разумныя очи светом Твоим Божественным, да уразумеют Твою истину; умягчи их ожесточение и отверзи слух, да познают глас Твой и обратятся к Тебе, Спасителю нашему. Исправи, Господи, иных возвращение и жизнь, несогласную христианскому благочестию; сотвори, да вси свято и непорочно поживем, и тако спасительная вера укоренится и плодоносна в сердцах наших пребудет. Не отврати Лица Твоего от нас, Господи, воздаждь нам радость спасения Твоего; подаждь, Господи, и пастырем Церкви Твоей святую ревность, и о спасении и обращении заблуждающих попечение их, духом евангельским раствори, да Тобою вси руководимы, достигнем, идеже совершение веры, исполнение надежды и истинная любовь, и тамо с лики чистейших Небесных Сил прославим Тебе, Господа нашего, Отца и Сына и Святаго Духа, во веки веков.

Хор: АМИНЬ.

Затем Диакон (в его отсутствие – священник) возглашает (при этом хор ничего не повторяет):

Диакон: Кто Бог велий, яко Бог наш?/ Ты еси Бог, творяй чудеса Един.

Потом громче:

Диакон: Кто Бог велий, яко Бог наш?/ Ты еси Бог, творяй чудеса Един.

И еще громче:

Диакон: Кто Бог велий, яко Бог наш?/ Ты еси Бог, творяй чудеса Един.

И продолжает:

Диакон: Православия день празднующе, православнии людие, наипаче прославим Виновника всех благ Бога, Иже Сый благословен во веки. Сей Бог наш, промышляя и утверждая возлюбленное Свое достояние – Святую Церковь, праотцев, преступлением отпадших, утешая неложным Своим словом, еще в рай основание ей положи. Сей Бог наш, руковод-

ствуя ко оному спасительному обетованию, не прикровенна Себе остави, но хотящее быти спасение провозвести первее чрез отцев и пророков, живописав различными образы. Сей Бог наш, многочастне и многообразне древле главолавый отцем во пророцех, в последок дний сих глагола нам в Сыне, Иже и веки сотвори, Иже возвести Отчее о нас благоволение, откры тайнства Небесная, увери силою Святаго Духа о истине благовестия, посла апостолы во весь мир проповедати Евангелие Царствия, утверди оное различными силами и чудесы. Сему спасительному откровению последующе, сего благовестия держащеся.

Веруем во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Иже вся быша. Нас ради человек и нашего ради спасения спешдшаго с Небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на Небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящего, Иже со Отцем и Сыном спокланяема и славима, главолавшаго пророки. Во едину Святую, Соборную и Апостольскую Церковь. Исповедуем едино крещение во оставление грехов. Чаем воскресения мертвых, и жизни будущаго века. Аминь.

Сия вера апостольская, сия вера отеческая, сия вера православная, сия вера вселенную утверди.

Еще же Соборы святых отец и их предания и писания, Божественному Откровению согласная, приедем и утверждаем.

Всем же о Православии подвизавшимся словесы, писании, учении, страдании и богоугодным житием, яко защитником и пособником онаго, Христова Церковь, ныне воспоминание творящи, восклицает:

Святѣйшим православным Патриархом Константинопольским, Александрийским, Антиохийским, Иерусалимским и Всероссийским и прочим Преосвященным митрополитом, архиепископом и епископом православным, вечная память.

Хор: **В**ечная память. *(Трижды)*

Диакон: Святѣм равноапостольным царю Константину и матери его Елене, вечная память.

Хор: **В**ечная память. *(Трижды)*

Диакон: Благоверному равноапостольному великому князю Владимиру и благоверней равноапостольней великой княгине Ольге, вечная память.

Хор: **В**ечная память. *(Трижды)*

Диакон: Пострадавшим и убиенным в различных походах за православную веру и Отече-

ство, вождём и воином, и всем православным христианом, в истинной вере и благочестии и в надежде воскресения скончавшимся, вечная память.

Хор: Вечная память. (Трижды)

Диакон: Православная Христова Церковь, торжественно вспоминая подвизавшихся во благочестии и сие всем своим христоименитым чадам к подражанию представляющие, восхваляет подвиги и сих, иже ныне, спасительною верою и добродетелию приуготовляюще себе к вечному блаженству, утверждают Православие.

Диакон: Великому господину и отцу нашему Кириллу, Святейшему Патриарху Московскому и всея Руси, многая лета.

Хор: Многая лета (Трижды)

Диакон: Святейшим православным Патриархом Антиохийскому, Иерусалимскому и прочим Святейшим православным Предстоятелем, многая лета.

Хор: Многая лета. (Трижды)

Диакон: Господину нашему Высокопреосвященнейшему митрополиту (или: архиепископу, или: Преосвященнейшему епископу) **имярек и титул его**, многая лета.

Хор: Многая лета. (Трижды)

Диакон: Преосвященным православным митрополитом, архиепископом и епископом и всему освященному собору, многая лета.

Хор: Многая лета. (Трижды)

Диакон: Богохранимемей стране нашей, властем и воинству ея, многая лета.

Хор: Многая лета. (Трижды)

Диакон: Всем православным христианом, право содержащим спасительную веру и повинующимся Христовей Церкви, подаждь, Господи, мир, благоденствие, изобилие плодов земных и многая лета.

Хор: Многая лета. (Трижды)

Иерей: Святая Троице, сих прослави и утверди даже до конца в правоте, отвращающих же ся святых и спасительных православных веры и Христовы Церкви обрати и сотвори, да вси придут в познание вечных Твоей истины, молитвами Пресвятыя Владычицы нашея Богородицы и Приснодевы Марии и всех святых.

Хор: Аминь.

Иерей: Слава Тебе, Богу, Благодателю нашему, во веки веков.

Хор: Аминь.

ПЕСНЬ СЯТОГО АМВРОСИЯ МЕДИОЛАНСКОГО:

Хор: Тебе, Бога, хвалим,/ Тебе Господа исповедуем,/ Тебе Превечнаго

Отца́ вся землѣя велича́ет;/ Тебѣ вси Ангели,/ Тебѣ Небеса́ и вся Силы,/ Тебѣ Херувими и Серафими непрестанными гласы взывают:/ Свят, Свят, Свят Госпо́дь Бог Савао́ф,/ полны суть Небеса́ и землѣя величества сла́вы Твоея́./ Тебѣ пресла́вный апо́стольский лик,/ Тебѣ проро́ческое хвалѣбное числѣ, / Тебѣ хва́лит пресвѣтлое мученическое во́инство./ Тебѣ по всей вселѣнной исповѣдует Свята́я Цѣрковь,/ Отца́ непостижимаго величества,/ покланяемаго Твоего́ истиннаго и Единоро́днаго Сы́на,/ и Свята́го Утѣшителя Ду́ха./ Ты, Царю́ сла́вы, Христѣ́,/ Ты Отца́ Присносу́щный Сын еси́./ Ты, ко избавлѣнию приѣмля чело́века,/ не возгнуша́лся еси́ Девическаго чрева́./ Ты, одолевъ смѣрти жа́ло,/ отвѣрзл еси́ верующим Ца́рство Небе́сное./ Ты одесну́ю Бо́га седи́ши во сла́ве О́тчей,/ Судия́ приити́ вери́шися./ Тебѣ у́бо про́сим:/ помози́ рабо́м Твои́м,/ ихже честною́ Кро́вию искупил еси́./ Сподоби́ со святы́ми Твои́ми в вѣчной сла́ве Твое́й ца́рствовать./ Спаси́ лю́ди Твоѣя́, Го́споди,/ и благослови́ досто́яние Твое́, / испра́ви я́, и вознеси́ их во ве́ки:/ во вся дни благослови́м Тебѣ́, / и восхва́лим и́мя Твое́ во век, и во век ве́ка./ Сподоби́, Го́споди, в день сей без греха́ сохра́нѣтися нам./ Помилуй нас, Го́споди, помилуй нас, / бу́ди ми́лость Твоѣя́, Го́споди, на нас, / якоже упова́хом на Тя./ На Тя, Го́споди, упова́хом, // да не постыди́мся во ве́ки. Ами́нь.

Во время пения все целуют святыя иконы на аналоях, и бывает отпуст.

Иерей: Сла́ва Тебѣ́, Христѣ́ Бо́же, упова́ние наше́, сла́ва Тебѣ́.

Хор: Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь. Го́споди, помилуй. *(Трижды)* **Б**лагослови́.

Отпуст:

Иерей: Христосъ, Истинный Бог наш, моли́твами Пречи́стыя Свое́я Ма́тери, преподо́бных и Богоно́сных оте́ц наших и всех святы́х, поми́луе́т и спасе́т нас, я́ко Благ и Чело́векѣлюбецъ.

Многолѣтие:

Хор: Вели́каго Господи́на и Отца́ нашего́ Кири́лла, / Святе́йшаго Патриа́рха Моско́вскаго и все́я Руси́, / и Господи́на нашего́ Преосвя́-

цѣннейшаго **(или: Высокопреосвященнейшего) имярек,**/ епископа **(или: митрополита, или: архиепископа) титул его,**/ богохранімую страну нашу Россійскую,/ настоятеля, братію и прихожан святáго храма сего/ и вся правосла́вныя христиáны,// Гóсподи, сохрани́ их на мно́гая лѣта.